

安仁縣志卷十三

兵衛 漕運屯田附

城池倉庫之寄令長責也而武職尤重安通數省水陸要衝且鄧埠界連三邑素爲宵小逋逃藪蟻聚蜂屯前代姚源之變幾作矣曩設通判駐防無裨彈壓嘉慶間新添武弁兵丁與城防守相犄角齎糧有備斥堠無虞吾知永爲苞桑慶志兵衛

安仁兵防舊志公署防營在雲錦門左今移西門正義育仁玉真拱極諸門並設營房去縣治東北一里許地名黃土岡設立演武廳皆古制也迄今文獻無徵宋元明初員

安仁縣志

卷十三

兵衛

一

弁兵目建制因革其詳均不可得而聞惟宋謝枋得守安仁駐兵西隅安平坊略有可稽自是明嘉靖十四年乙巳久以鄧埠接壤金谿貴溪東鄉商賈輻輳盜賊出沒其間添設捕盜通判一員分饒撫兵壯坐鎮之四十年辛酉贛州閩廣叛寇蜂起鄧埠寇徐耿六張焯四等煽亂焚劫巡撫胡松靖之立守望親兵法設鄰長村長黨正黨副諸人遞相統屬正副以士大夫及齊民之有德行者爲之因其戶數稽其出入授以器械教之擊刺閒有不卽工者黨正副得以公法從事仍移本府總捕通判駐之以資彈壓後亦裁革

國初防守安仁縣汎饒州營輪撥千總一員把總一員分
防安萬二縣駐劄不一往來巡防歲常更易乾隆三年戊
午撥定饒州營右哨把總一員帶兵四十一名駐城防守
兼協萬年汎萬年縣亦分撥本哨外委一員駐防本汎管
轄藍橋石港水塘二處並鄧家埠陸塘一處均撥兵五名
戍守嘉慶十七年壬申担匪蕭爛腳等盤踞鄧埠滋擾地
方添設汎防調撥九江鎮標之銅鼓營千總一員隨帶兵
丁三十名移駐鄧埠汎連原設鄧埠兵五名共汎兵三十
五名故城守汎現在兵丁共三十六名俱歸饒州營管轄
饒州營原係南昌鎮標統轄嘉慶五年庚申鎮標移駐九

安仁縣志

卷十三

兵衛

二

江因隸九江鎮標統轄先後所隸郡名各殊實則同一鎮
標部汎也彙著諸篇并次其條如左

安仁縣汎隸饒州營管轄原額設防兵四十一名內將兵

丁五名撥歸鄧埠汎現存守兵三十六名字識一名
在守兵內

分駐鄧埠汎隸饒州營管轄防兵三十名連安仁縣汎撥
來兵五名共防兵三十五名字識一名
在防兵內

撥防水塘防兵藍橋塘外西城兵五名又奉文添兵五名

隨同縣丞巡緝私鹽石港塘外縣東兵五名

撥防陸塘防兵長塘汎外縣南四兵五名

駐城防守把總一員署在西隅乾隆
三十七年移建自備馬二匹營

馬無 防兵三十六名 火藥五十觔 鉛子五十觔
分防鄧埠千總一員 自備馬二匹 營馬三匹 馬兵
三名 步戰兵七名 守兵二十五名 火藥 鉛子俱存

饒州營庫

城埠二汛器械

一兵一器

砲位 火繩 弓 子箭 鑼

鍋 帳房

旗幟

俱存饒州營庫

城守汛弁每年俸薪銀三十六兩 官馬二匹草乾銀二
十八兩四錢

鄧埠汛弁每年俸薪銀四十八兩 官馬二匹草乾銀二
十八兩四錢

安仁縣志

卷十三

兵衛

三

馬兵每名每年應支餉乾銀三十八兩四錢
戰兵每名每年應支餉乾銀十八兩
守兵每名每年應支餉乾銀十二兩
兵米每名每年應支三石六斗

漕運屯田附

安邑漕糧官徵官解全書附載漕糧耗費銀五百九十四
兩五分印官徵收以爲運漕給軍之用
漕運現運省城兌軍正副耗米六千九百零五石三斗三
升四合九勺

撫州所屯丁原坐編撫州府屬臨川等縣應徵屯丁銀兩

於雍正五年奉文攤派通省屯糧內均勻帶徵今安仁縣屯糧項下實應帶征屯丁銀七錢九分六釐遇閏年加閏銀一分四釐仍俟五年將升減各數照例均攤

撫州所田產分徵見在成熟屯田一十四頃六十六畝四分二釐

每畝科籽粒米三升九合五勺九鈔一撮九圭三粟二顆八粒八黍三稷該科籽粒米

五十八石五升八合五勺每石折銀四錢應徵正折銀二十三兩

二錢二分三釐四毫每石徵加增銀一錢應徵加增銀五兩八錢五

釐八毫五絲 共應徵正折加增銀二十九兩二分九釐

丁田二項共銀二十九兩八錢二分五釐內解布政使

司帶徵屯丁解

安仁縣志

卷十三

兵衛

部銀七錢九分六釐遇閏加銀一分四釐解督糧道漕運項下支銷

銀二十九兩二分九釐

饒州所原編完賦屯丁七丁每丁編銀一錢七分八釐六毫五絲一忽五微一纖計

編銀一兩二錢五分六毫

以上屯丁銀兩於雍正五年奉文攤派通省屯糧內均

勻帶徵外

盛世滋生屯丁八百一十三丁欽遵

恩詔永不加賦其屯丁於乾隆三十七年奉文停止編審

饒州所漕船三十三隻半內安仁劉毛潘三姓同餘干縣

許姓共漕船一隻公同輪僉

論曰

國家承平日久四極乂安航海梯山萬方貢賦都城水陸雞犬無驚兵不復用矣然兵可百年不用不可一日不備安當饒信之衝地雄四塞曾爲奸徒擾害糧餉千里尤待軍丁運行內置官弁營汛外設衛所屯田碁布星羅以資彈壓真未雨綢繆之至計也舊志闕載今特增之而慎固封守之義於是乎徵

安仁縣志

卷十三

兵衛

五